



Долоо хоног тутмын хэвлэл  
2015 оны 08 дугаар сарын 28  
№32 /893/

# ТӨРИЙН МЭДЭЭЛЭЛ

МОНГОЛ УЛСЫН ИХ ХУРЛЫН АЛБАН МЭДЭЭЛЭЛ

**Монгол Улсын  
Засгийн газрын  
тогтоол**

1677

**Монгол Улсын  
Засгийн газрын  
тогтоол**

1678

**Орон сууцны зээлийн  
талаар авах арга  
хэмжээний тухай**

**Журам батлах тухай**





## ГАРЧИГ

### МОНГОЛ УЛСЫН ЗАСГИЙН ГАЗРЫН ТОГТООЛ

429.	Орон сууцны зээлийн талаар авах арга хэмжээний тухай	Дугаар 256	1677
430.	Журам батлах тухай	Дугаар 263	1678

### МОНГОЛ УЛСЫН ЗАСГИЙН ГАЗРЫН ТОГТООЛ

2015 оны 6 дугаар  
сарын 22-ны өдөр

Дугаар 256

Улаанбаатар  
хот

#### Орон сууцны зээлийн талаар авах арга хэмжээний тухай

Хөгжлийн банкны тухай хуулийн 7.1.3, 13.1, 16.2-т заасныг тус тус үндэслэн Монгол Улсын Засгийн газраас ТОГТООХ нь:

1. Ипотекийн зээлээр орон сууц худалдан авах урьдчилгаа төлбөр төлөхөд нь дэмжлэг үзүүлэх зорилгоор иргэдийн худалдан авах орон сууцны үнийн дүнгийн 20 хүртэлх хувьд 200,0 (хоёр зуун) тэрбум төгрөгт багтаан зээлийн баталгаа гаргахыг Хөгжлийн банкны Төлөөлөн удирдах зөвлөл (Б.Шинэбаатар)-д даалгасугай.

2. Энэ тогтоолын 1 дүгээр зүйлд заасан арга хэмжээг зохион байгуулах журам болон түүнд хамрагдах нөхцөл, шалгуур үзүүлэлтийн төслийг боловсруулж Засгийн газрын хуралдаанд оруулахыг Барилга, хот байгуулалтын сайд Д.Цогтбаатар, Сангийн сайд Ж.Эрдэнэбат, Хүн амын хөгжил, нийгмийн хамгааллын сайд С.Эрдэнэ нарт даалгасугай.

3. Энэ тогтоолын 1 дүгээр зүйлд заасны дагуу гаргасан Хөгжлийн банкны баталгаанд Засгийн газрын баталгаа гаргаж, 2016 оноос эхлэн жил бүрийн улсын төсвийн төсөл болон Засгийн газрын өрийн баталгааны дээд хэмжээнд тусгуулах арга хэмжээ авахыг Сангийн сайд Ж.Эрдэнэбатад үүрэг болгосугай.

**МОНГОЛ УЛСЫН  
ЕРӨНХИЙ САЙД**

**Ч.САЙХАНБИЛЭГ**

**САНГИЙН САЙД**

**Ж.ЭРДЭНЭБАТ**



## МОНГОЛ УЛСЫН ЗАСГИЙН ГАЗРЫН ТОГТООЛ

2015 оны 6 дугаар  
сарын 29-ний өдөр

Дугаар 263

Улаанбаатар  
хот

### Журам батлах тухай

Хог хаягдлын тухай хуулийн 21.2-т заасныг үндэслэн Монгол Улсын Засгийн газраас ТОГТООХ нь:

1. “Хог хаягдлыг бууруулах, цуглуулах, тээвэрлэх, хадгалах, дахин боловсруулах, эргүүлэн ашиглах, устгах үйл ажиллагаа эрхэлсэн болон хаягдалгүй технологи нэвтрүүлсэн иргэн, аж ахуйн нэгж, байгууллагыг сурталчилж, урамшуулал олгох журам”-ыг хавсралт ёсоор баталсугай.

2. Журмын хэрэгжилтэд хяналт тавьж ажиллахыг Байгаль орчин, ногоон хөгжил, аялал жуулчлалын сайд Д.Оюунхорол, аймаг, нийслэлийн Засаг дарга нарт үүрэг болгосугай.

**МОНГОЛ УЛСЫН  
ЕРӨНХИЙ САЙД**

**Ч.САЙХАНБИЛЭГ**

**БАЙГАЛЬ ОРЧИН, НОГООН ХӨГЖИЛ,  
АЯЛАЛ ЖУУЛЧЛАЛЫН САЙД**

**Д.ОЮУНХОРОЛ**

Засгийн газрын 2015 оны 263 дугаар  
тогтоолын хавсралт

**ХОГ ХАЯГДЛЫГ БУУРУУЛАХ, ЦУГЛУУЛАХ, ТЭЭВЭРЛЭХ,  
ХАДГАЛАХ, ДАХИН БОЛОВСРУУЛАХ, ЭРГҮҮЛЭН АШИГЛАХ,  
УСТГАХ ҮЙЛ АЖИЛЛАГАА ЭРХЭЛСЭН БОЛОН ХАЯГДАЛГҮЙ  
ТЕХНОЛОГИ НЭВТРҮҮЛСЭН ИРГЭН, АЖ АХУЙН НЭГЖ,  
БАЙГУУЛЛАГЫГ СУРТАЛЧИЛЖ, УРАМШУУЛАЛ ОЛГОХ ЖУРАМ**

Нэг. Нийтлэг үндэслэл

1.1. Үйлдвэрлэл, үйлчилгээндээ хаягдалгүй техник, технологи нэвтрүүлж, хог хаягдлаа бууруулсан болон хог хаягдлыг цуглуулах, тээвэрлэх, хадгалах, дахин боловсруулах, эргүүлэн ашиглах, устгах үйл ажиллагаа эрхэлсэн иргэн, аж ахуйн нэгж, байгууллагыг сурталчилж, урамшуулал олгохтой холбогдсон харилцааг зохицуулахад энэхүү журмын зорилго оршино.

Хоёр. Урамшуулал олгох үйл ажиллагааны чиглэл

2.1. Дараах үйл ажиллагаа эрхэлсэн иргэн, аж ахуйн нэгжид урамшуулал олгоно:



2.1.1. хог хаягдлыг бууруулах;

2.1.2. хог хаягдлыг цуглуулах, ангилан ялгах, тээвэрлэх;

2.1.3. хог хаягдлыг хадгалах, дахин боловсруулах, эргүүлэн ашиглах;

2.1.4. хог хаягдлыг байгальд ээлтэйгээр устгах;

2.1.5. хог хаягдал ашиглан эрчим хүч, дулаан үйлдвэрлэх.

Гурав. Урамшуулалд хамрагдах иргэн, аж ахуйн нэгж, байгууллагад тавих шаардлага

3.1. Урамшуулалд хамрагдах аж ахуйн нэгж, байгууллага дараах шаардлагыг хангасан байна:

3.1.1. Монгол Улсын хууль тогтоомжийн дагуу үүсгэн байгуулагдсан байх;

3.1.2. татварын өр төлбөргүй байх;

3.1.3. хог хаягдлын анхан шатны болон нэгдсэн мэдээллийн санд бүртгүүлж, холбогдох мэдээ, тайланг тогтоосон хугацаанд гаргаж хүргүүлдэг байх;

3.1.4. төслийн байгаль орчны нөлөөллийн үнэлгээ хийлгэсэн байх;

3.1.5. энэ журмын 2-т заасан үйл ажиллагаа нь тодорхой үр дүнд хүрснийг нотолсон байх;

3.1.6. хог хаягдлыг түүхий эдийн нөөц хэлбэрээр ашигладаг байх;

3.1.7. үйл ажиллагаандаа зориулалтын барилга байгууламж, тоног төхөөрөмж ашигладаг байх.

3.2. Урамшуулалд хамрагдах иргэн дараах шаардлагыг хангасан байна:

3.2.1. төслийн байгаль орчны нөлөөллийн үнэлгээ хийлгэсэн байх;

3.2.2. энэ журмын 2-т заасан үйл ажиллагаа нь тодорхой үр дүнд хүрснийг нотолсон байх.

Дөрөв. Урамшуулал олгох

4.1. Сум, дүүргийн Засаг дарга нь энэ журмын 2-т заасан үйл ажиллагаа эрхэлсэн иргэн, аж ахуйн нэгж, байгууллагад урамшуулал



олгоход шаардагдах хөрөнгийн талаар санал боловсруулж, жил бүр тухайн сум, дүүргийн иргэдийн Төлөөлөгчдийн Хуралд оруулж шийдвэрлүүлнэ. Уг хөрөнгийг Хог хаягдлын тухай хуулийн 20.2-т заасан хог хаягдлын үйлчилгээний хураамжаас төвлөрсөн хөрөнгөөс санхүүжүүлнэ.

4.2. Сум, дүүргийн Засаг дарга нь тухайн жил урамшуулалд хамрагдахаар нэр дэвшсэн, энэ журмын 2, 3-т заасан шаардлагыг хангасан иргэн, аж ахуйн нэгж, байгууллагыг дараа оны I улиралд багтаан сонгон шалгаруулна.

4.3. Сонгон шалгаруулалтад оролцох иргэн, аж ахуйн нэгж, байгууллага нь тухайн жилийн IY улиралд багтаан дараах баримт бичгийг сум, дүүргийн Засаг даргад хүргүүлнэ:

4.3.1. урамшуулалд хамрагдах тухай хүсэлт (аж ауйн нэгж, байгууллага албан бичиг, иргэн өргөдөл гаргах бөгөөд урамшуулалд хамрагдах шаардлагыг хэрхэн хангасан болон үйл ажиллагааны үр дүнгийн талаарх мэдээллийг дэлгэрэнгүй тусгаж, холбогдох баримтыг хавсаргасан байна);

4.3.2. аж ахуйн нэгж, байгууллагын улсын бүртгэлийн гэрчилгээ, иргэн бол иргэний үнэмлэхийн хуулбар;

4.3.3. төслийн байгаль орчны нөлөөллийн үнэлгээ;

4.3.4. харьяалах сум, дүүргийн татварын албаны тодорхойлолт (аж ахуйн нэгж, байгууллагад хамаарна);

4.3.5. цаашид хэрэгжүүлэх үйл ажиллагааны талаарх дэлгэрэнгүй танилцуулга.

4.4. Сум, дүүргийн Засаг дарга нь сонгон шалгаруулалтад тэнцсэн иргэн, аж ахуйн нэгж, байгууллагад батламж мөнгөн урамшууллын хамт олгож, энэ тухай ажлын 5 хоногт багтаан хэвлэл мэдээллийн хэрэгслээр нийтэд мэдээлж сурталчилна.

4.5. Сум, дүүргийн Засаг дарга нь шалгарсан иргэн, аж ахуйн нэгж, байгууллагад олгосон урамшууллын тайланг холбогдох баримт бичгийн хуулбарын хамт тухайн жилийн II улиралд багтаан холбогдох аймаг, нийслэлийн Засаг дарга болон Байгаль орчны асуудал эрхэлсэн төрийн захиргааны төв байгууллагад хүргүүлнэ.

**Хаяг:**

“Төрийн мэдээлэл” эмхэтгэлийн редакци.  
Улаанбаатар-14201, Төрийн ордон 124 тоот

И-мэйл: [turiin\\_medecelel@parliament.mn](mailto:turiin_medecelel@parliament.mn)

Утас: 262420

Хэвлэлийн хуудас: 0.25

Индекс: 14003